

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: UP-1/21-1-40-619-4/22

Datum: 09.12.2022. god.

«Agencija za vodno područje rijeke Save» Sarajevo rješavajući zahtjev podnesen od strane Grad Srebrenik za donošenje Rješenja o prethodnoj vodnoj saglasnosti za rekonstrukciju dijela potisnog voda faza I i faza III, kao i dijela distributivnog cjevovoda vodovodnog sistema na potezu novoizgrađenog kružnog toka u Čehajama i novoformiranog naselja u Srebreniku, na osnovu člana 139. stav (1), člana 107. stav (3) Zakona o vodama («Službene novine Federacije BiH», broj 70/06) i člana 218. Zakona o upravnom postupku («Službene novine Federacije BiH», broj 2/98, 48/99 i 61/22) d o n o s i

ZAKLJUČAK

1. Odbacuje se zahtjev podnesen od strane Grad Srebrenik za donošenje Rješenja o prethodnoj vodnoj saglasnosti za Rekonstrukciju dijela potisnog voda faza I i faza III, kao i dijela distributivnog cjevovoda vodovodnog sistema na potezu novoizgrađenog kružnog toka u Čehajama i novoformiranog naselja u Srebreniku, zbog nepostojanja uslova za vođenje upravnog postupka s obzirom da za predmetnu aktivnost, shodno odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ovaj zaključak može se izmijeniti ukoliko za to nastupe razlozi utvrđeni u članu 130. stav (1) tačka 2. i 4. Zakona o vodama, a zainteresirane stranke podnesu argumentovan zahtjev za izmjenju ovog vodnog akta.

Obrazloženje

Grad Srebrenik je podnio zahtjev ovoj Agenciji za donošenje rješenja o prethodnoj vodnoj saglasnosti za rekonstrukciju dijela potisnog voda faza I i faza III, kao i dijela distributivnog cjevovoda vodovodnog sistema na potezu novoizgrađenog kružnog toka u Čehajama i novoformiranog naselja u Srebreniku.

Uz zahtjev je dostavljena slijedeća dokumentacija:

- Ovjerena kopija uvjerenja o registraciji poreznog obveznika od 19.11.2021. godine;
- Ovjerena kopija obavještenja o razvrstavanju pravnog lica prema klasifikaciji djelatnosti donesenog od strane Službe za statistiku za područje Tuzlanskog Kantona, broj: 07-32.5-15695/21 od 22.11.2021. godine;
- Kopija Mišljenja o usklađenosti planiranih aktivnosti rekonstrukcije dijela potisnog voda (faza I i III) i dijela distributivnog cjevovoda vodovodnog sistema Srebrenik, sa dokumentima prostornog uređenja, dato od strane Službe za prostorno uređenje i zaštitu okolice, broj: 08-23-4-SL/22 dana 21.10.2022. godine;
- Ovjerena kopija Zemljišnoknjižnih izvadaka
- Kopija katastarskog plana, K.O. Srebrenik Grad, broj plana:2, UR BROJ: 03-26-2464/2022-22 od 18.10.2022. godine;
- Kopija katastarskog plana, K.O. Čehaje, broj plana: 5, UR BROJ: 03-26-2464/2022-23 od 18.10.2022. godine;
- Izvodi iz posjedovni lista broj 2447, 2422, 2724, 2772, 2338, 2714, 2724, 176, K.O. Srebrenik Grad i broj 163, 548, 1425, 678, 1047, 1427,164, 1425, 86, 87 i 143, K.O. Čehaje, izdate od strane Službe za geodetske i imovinsko-pravne poslove Grad Srebrenik, dana 18.10.2022. godine;

- Obavještenje – da se cjevovodi koji su predmet rekonstrukcije ne nalaze u zoni sanitarne zaštite izvorišta pitke vode, dato od strane Službe za poduzetništvo, lokalni razvoj i investicije, broj: 06-33- SL/22 dana 02.12.2022. godine;
- Studija za izdavanje prethodne vodne saglasnosti – rekonstrukcija dijela potisnog vod faza I i III, kao i dijela distributivnog cjevovoda vodovodnog sistema na potezu novoizgrađenog kružnog toka u Čehajama i novoformiranog naselja u Srebreniku, urađena od strane „IBIS“ d.o.o. Zavidovići, IX 2022. godine;
- Dokaz o uplaćenju upravnoj pristojbi.

Nakon pregleda dostavljene dokumentacije konstatovano je slijedeće:

Na zemljištu označenom kao k.č. broj 52/1, 52/3, 60/30, 60/55, 60/56, 60/59, 60/60, 61/1, 61/2, 61/14, 1682/1 K.O. Srebrenik Grad i kao k.č. broj 206/1, 206/2, 206/8, 206/9, 211, 212, 371/5, 373, 374/1, 395/2, 396/2, 397, 401/1 K.O.Čehaje, općina Srebrenik, podnosilac zahtjeva planira izvršiti rekonstrukciju dijela potisnog voda faza I i faza III, kao i dijela distributivnog cjevovoda vodovodnog sistema na potezu novoizgrađenog kružnog toka u Čehajama i novoformiranog naselja u Srebreniku. Na osnovu pregleda dostavljene dokumentacije utvrđeno je da se cjevovodi koji su predmet rekonstrukcije ne nalaze u zoni sanitarne zaštite izvorišta pitke vode, odnosno da su trase predmetnih cjevovoda usaglašene sa granicama zona sanitarne zaštite izvorišta pitke vode u skladu sa važećom Odlukom o određivanju zona sanitarne zaštite izvorišta, niti će se predmetna rekonstrukcija izvoditi iznad ili u vodotoku I kategorije.

U smislu odredbi člana 109. Zakona o vodama, a u skladu sa članom 218. Zakona o upravnom postupku, ovaj organ našao je da po podnesenom zahtjevu ne postoje uslovi za donošenje rješenja o prethodnoj vodnoj saglasnosti.


Iz razloga naprijed navedenih, a u skladu s članom 110. stav (3) Zakona o vodama i članom 218. stav (2) Zakona o upravnom postupku riješeno je kao u dispozitivu Zaključka.

Pouka o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Zaključka.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju
Rukovodilac Sektora za izdavanje vodnih akata

Haris Ališehović, dipl. ing.građ.

Dostaviti:

- Grad Srebrenik, ul. Varoških polja bb, 75350 Srebrenik
- AVP Sava, ISV – Vodna knjiga
- Sektor 40, arhiva
- Oglasna ploča AVP Sava